

Juara dunia halangan + Shin Yii

Palembang: Halangan besar perlu dihadapi atlet wusyu negara, Ng Shin Yii (**gambar**) apabila sekali lagi bakal berdepan juara dunia, Lindswell Kwok pada saingan acara taijiquan dan taijijian di Sukan Universiti ASEAN (AUG) ke-17 di sini.

Atlet kebangsaan yang menduduki tangga kelima Sukan Asia di Incheon itu menyedari Indonesia memiliki kekuatan dalam acara itu dan dia mesti melakukan sesuatu bagi menandingi mereka.



"Saya sudah bersedia dan memiliki sasaran peribadi sendiri. Sebelum ini saya hanya mendapat perak dan kali ini harap dapat emas," kata pelajar Universiti Putra Malaysia (UPM) itu.

Shin Yii, 25, yang masih segar daripada memenangi dua perak dan satu gangsa pada Kejohanan Dunia Oktober lalu, berharap rentak sama dapat dipamerkan pada AUG kali ini.

Begitupun Indonesia kata Shin Yii, tampak tidak akan memberi laluan mudah apatah lagi mereka adalah tuan rumah temasya pada kali ini.

"Indonesia memang kuat dalam acara ini, mereka sentiasa menjadi penghalang serta memiliki Lindswell yang juga juara dunia.

"Untuk AUG ini, kami sudah mengadakan latihan sepanjang tahun dengan kejohanan terakhir pada Oktober lalu sebelum ke sini.

"Saya juga mungkin akan menyertai satu lagi acara tetapi ia bergantung kepada jadual pertandingan nanti," katanya.